

6106 Resources Limited  
Hook Tahiq Havaaqhaq

6106 Resources Limited (Nanminirijaujuq) qinirhianikkut havagviujuq hamaniituuq nunaani Calgary, Alberta ilagijaalu Manhattan Corporation. Tamna Hook Tahiq Havangujuq inilik iluani Kangiqliniq-Ennadai greenstone belt. Kangiqlinirmi – Ennadai tukliujuq aginiqhaq greenstone-gujuq Kanatami, kihiani nuna mikijumik ujarakhiurviujuq uqatiaqhimajuniklu nunaujanik. Hook Tahiq, ujaraktaakhat iluani havaakhami piqaqtuuq gold, aalatqiiniklu havivalungnik ilaujut hapkuat silver, kanujanik, unalu zinc. Havagvik pihimajuq ujakhiurnikkut nanminirnik tamangni Kuin Nunaani uvalu Inuit Nanminia Nuna (IOL).

Uvani Taaqhivaliavia 2025 Nunanik Aturniitigut Laisit tunijaujut hapkunanga Kivalliq Inuit Katimajiinin (KVL125B05), qiniqhianikkut hulidjutinik hapkunani Inuit Nanminirijait Nunat (IOL) najugait AR-16, AR-23, WC-10, unalu RI-23. Piqangittuuq Nunanik Aturniitigut Laisimik pijariaqangitut qiniqhiajaamingni Kuin Nunaani imaqanginmat uvaluuniin hiniktarviqanginmat. Qiniqhiajut hulidjutit ilaujut nunap qangani ujaqqat uuktuutit, ujaqqat qungiaqtaujut uvalu najugait ingilgaanin ikuutaqhimajut uuktuutit havaktaujut uvani havaap najugaani naamavjaktuuq 140 km tunungani uataanivjak Arviat. Hapkua hulidjutit halikaptakkut ikajuqtaujut, najugaqaqtut hamanga Arviani. Tangmaarvingmik atuqhimaitut talvanga.

Havagviujuq taja upalugaijaligtuuq qiniqhiahaariamingni hulidjutikhanik, ikuutarlutiklu, alrujaqtuqtunik nipitqaqtautunik (EM) naunaijarninginik, nunami ikiakkut qanurinmanganginik, nalvaaqhiurnirmik, naunaijaqtakhaniklu, ihuaqhailutiklu mikijumik, atukaffuktukhamik qiniqhiavikhamik najugakhanik (20-nik inungnik) ikajuutikhanik hulidjutinun.

Tukhiqtaujuuq tamna najugahaq havaktauluni Upingaami, uvalu qiniqhianikkut hulidjutit aulahimaaqlutik Ukiakhaq 2026 umikhimahimaaqluni Ukiumi tatqiqhiutini. Tangmaarvikhaq tikitaqtuuq tingmitikkut aujami immaqaalu apqutaagut Arvianit ukiumi angirutaitigut. Ingilgajaaqlugit tamajat uvalu tamajat tukhiqtaujumun najugahaanun, havaktaujaaqtut Upingaami ikajuqtaulutik nunamingni katulaaktut ajuttiqahimajut Ukiuqtaqtumi qanuginiitigut.

Naunaituuq inigijaujuq hiniktarvikhamik tikuaqtauhimagittuuq taja, kihiani hunanikliqaa inigijaujumik, Kavamatuqanit Inuit Nanminirijaaniluniit Nuna (takulugu nunaujaq). Kangiqhidjutikhat pijaukpata nunamingni ilihimanikkut tigumidjutiqaqtunin, kitu najugakhaa tikuaqtauniaqtuuq uvalu maligaliqijit uqaudjaulutik.

Ikajuriangani ukuninga hulilukaaktunik, tamna Havagvingat uuktuqtun tapfuminga Type 111 Nunanik Atuqtaujukharnik Laisikharnik talvanga Kivalliq Inuit Katidjutiqatigiinin (KIA), Naunaitkutinga B Nunanik Atuqtaujukharnik Laisikharnik ujaraqhiuqtunik hulilukaaktunik Kuin Nunaani, unalu Type B Imarmik Laisikhaq talvanga Nunavunmi Imarnik Katimajiinin imarmik atugianganik, iqakuurvikhangitlu.

Ujaraqhiuqtut qiniqhiajut havaarijaujut uvani amihuni ukiuni, kuulmik nanijauhijaujut 1948-mi, havaalu iniqhimajut tamaita ujaraktaakhat nanminirijauninginiv hituvani ikajuqtiujunit. 6106 Resources Ltd. akhut pittiaqtait huradjat, avatiit uvalu uqaudjidjutait nunamingni ilihimanikkut pihimajut mikhaagun qakugungutigut uvalu aulaniitigut huradjat uvalu maliklugit atuqtauvaktut uvalu qanuriniit tamaini laisini

uvalu laisikhatlu. Uqaudjutaitigut hapkua Arviat CLARC, Kivalliq Inuit Katimajit Nuutiqttaqtut Munaridjutit maliktauniaqtut.

Kinguagut ilauqatigivakhimajit Eric Sondergaard talvuuna KIA-kut katimapkaivakhimajut malrunnik CLARC talvuuna Qittiqqautijut 15, 2024 uumanilu Imaruqtirvia 12 2024. Ihivriurumik, Arviani CLARC ilaujut ihuarijaat havaakhatigut upalungaijautit, havaakhanik pidjutiqaqngman nunamingni ilaujunun Arviani. Ukua Arviani HTOtkut tuhaqtitaujut mikhaagun havaakhat aulajut uvalu najugahait, imaalu pitquidjutait hapkunanga CLARC katimajiinin. Ilaliutihimajut kangiqhidjutit mikhaagun hugadjat qajangnautait qiniqtaujut, uvalu 6106 Ikajuutit niriuktut angmaumajumik, ihuangnikkut uqautigilugit. Upautiblulik katimadjutit tunijaujut nanminiqagtunin laisikkut havauhiit hivumuuqtilugit.

Taima naunairutiqaqhimajuq taima Ujaraqhiuqtunik qiniqhiajut hulilukaaktunik aulatitivakhimajut uvani najugaani qaffiujunik ukiunganik, ilaujutlu ilanganik ujaraqhiuqtunik nanminikharnik angirutikharniklu kinguliujunik uuktuqtunik. Hapkuat qaliriiktut qinirhianikkut hulidjutit pidjutiqaqpakhimajun kaffiujuni hivuagun Nunavunmi Avatilirinirmut Katimajiinin (NIRB) naunaijarutainnin, NPC-kut ihivriurutainnin, aallaniklu naunaijarnirnik pijariaqangittungnarhijun (NIRB File 21EN009, NPC File No 149463, 16EN035)."

6202 Ikajuutikkut nakuugiqpiaqtaat avatikput uvalu inuit kitut nunani qiniqhiajut uvalu havakniaqtut akhut pittiaqtaujaamingni. Taimailiuriami, havangniaqtut maliklugit maligahait uvalu qanuginiit tamaita laisitik uvalu laisit uvalu qiniqhialutik uqaudjinirmik uvalu atuqhimajamingnik nunamingni ilihimanikkut tigumidjutiqaqtut.

6106 Resources Ltd. Upalungairutikharnik aulatitijaangat naunaitumik nunalaani katimadjutikharnik katimaqatigijaangatlu Anguniaqtulijitkut Havagviangit (HTO) unalu KIA Nunalaani Nunaliqijitunalu Hanaqidjutikhangit Katimajit (CLARC) Ukiakhami 2025. Havaakhat manikhaqhiurutulu atuqtakhat mikijut uvani atulihaalirigani ujarakhiuqtut nalvaaqhiuqtut kihiani tamaita akhuurutit pijauniaqtut atuqaariagani nakurutaujut Arvianut.

